

სახელმწიფო შესყიდვის შესახებ ხელშეკრულებაN04/34

ბრალდებულთა და მსჯავდებულთა ეკვივალენტური სამედიცინო მომსახურებით უზრუნველყოფა

26 02 02

გამარტივებული შესყიდვა

ქ. თბილისი

19 აპრილი 2022 წელი

ერთი მხრივ, საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური (შემდგომში „შემსყიდველი“) წარმოდგენილი -ეკონომიკური დეპარამენტის უფროსი - იულია ტყეშელაშვილის სახით და მეორე მხრივ, შპს „ავერსი - ფარმა“ (შემდგომში „მიმწოდებელი“) წარმოდგენილი მისი კომერციული დირექტორის ეკატერინე მიქელაძის (მინდობილობის სარეგისტრაციო #211422760, ინდივიდუალური #49900681412821) სახით, ორმხრივი შეთანხმების საფუძველზე, „სახელმწიფო შესყიდვების შესახებ“ საქართველოს კანონის მე-10^მ მუხლის მე-3 პუნქტის „დ“ ქვეპუნქტის, საქართველოს მთავრობის 2021 წლის 14 დეკემბრის N2222 განკარგულების, 2022 წლის 19 აპრილის (№01/117653) მოხსენებითი ბარათის და სახელმწიფო შესყიდვების საგენტოს SMP210003414 თანხმობის საფუძველზე ვდებთ ხელშეკრულებას შემდეგზე:

1. ხელშეკრულების საგანი

- 1.1 ხელშეკრულების საგანს წარმოადგენს ბრალდებულთათვის/მსჯავრდებულთათვის ფარმაცევტული პროდუქტების, სხვადასხვა საკვები პროდუქტებისა და ორთოპედიული აქსესუარების შესყიდვა (CPV კოდი: 33600000 – ფარმაცევტული პროდუქტები, 15800000 – სხვადასხვა საკვები პროდუქტი, 33100000 – სამედიცინო მოწყობილობები).

2. შესყიდვის ობიექტი

- 2.1 შესყიდვის ობიექტია ფარმაცევტული პროდუქტები, სხვადასხვა საკვები პროდუქტები და ორთოპედიული აქსესუარები (შემდგომში საქონელი).

3. ხელშეკრულების საერთო ღირებულება

- 3.1 ხელშეკრულების საერთო ღირებულება შეადგენს 633.87 ლარს (ექსას ოცდაცამეტი ლარი და 87 თეთრი).
3.2 ხელშეკრულების 3.1. ქვეპუნქტი აღნიშნულ ფასში შედის საქართველოს კანონმდებლობით გათვალისწინებული ყველა შესაბამისი მოსაკრებელი და გადასახადი.

4. საქონლის ხარისხი და გარანტია

- 4.1 მიმწოდებელი იძლევა გარანტიას, რომ შემსყიდველს მიაწოდებს ხარისხიან საქონელს, რომელიც არ იქნება ვადაგასული და უფლებრივად და ნივთობრივად ნაკლის მქონე.
4.2 მიმწოდებელი იძლევა გარანტიას, რომ მიწოდებულ საქონელზე ვარგისიანობის ვადა მისი მიღება-ჩაბარების აქტის გაფორმების თარიღიდან იქნება არანაკლებ 12 (თორმეტი) თვე.
4.3 შესყიდვის ობიექტის ხარისხი, აღწერილობა, რაოდენობა, ერთეულის ფასი მოცემულია დანართი N1-ში, N2-ში და N3-ში, რაც წარმოადგენს ხელშეკრულების განუყოფელ ნაწილს.

5. საქონლის მიწოდების ვადები და ადგილი

- 5.1 საქონლის მიწოდება განხორციელდება ხელშეკრულების გაფორმების შემდგომ 7 (შვიდი) სამუშაო დღის ვადაში (2022 წლის 2 მაისის ჩათვლით).
5.2 საქონლის მიწოდების ადგილია ქ. თბილისი, ზ. ანჯაფარიძის ქ. N27.

6. საქონლის მიღება-ჩაბარების წესი

- 6.1 საქონლის მიღება დადასტურდება სასაქონლო ზედნადებში აღწერილი საქონლის მიღებაზე გაფორმებული ორმხრივად ხელმოწერილი მიღება- ჩაბარების აქტის საფუძველზე, რომლის ხელმოწერამდე ყველა ქონებრივი უფლება საქონელზე ეკუთვნის მიმწოდებელს, რომელიც პასუხიმგებელია შესაძლო რისკებზე – საქონლის შემთხვევით (მთლიანად ან ნაწილობრივ) გაფუჭებაზე

ან რაიმე ზიანზე. ზემოაღნიშნული დოკუმენტაციის გაფორმების და საქონლის გადაცემის მომენტიდან აღნიშნული უფლებები და რისკები გადადის შემსყიდველზე.

6.2 შემსყიდველის მხრიდან საქონლის მიღებაზე მიღება-ჩაბარების აქტს ხელს აწერს სპეციალური პენიტენციური სამსახურის ეკონომიკური დეპარტამენტის მომარაგების სამმართველოს სამედიცინო ლოჯისტიკის მენეჯერი ლევან ზოზირაშვილი ან/და მის მიერ უფლებამოსილი პირი, ხოლო მიმწოდებლის მხრიდან - გენერალური დირექტორი ან/და მის მიერ უფლებამოსილი პირი.

7. ანგარიშსწორების პირობები

- 7.1 მიმწოდებელთან ანგარიშსწორება განხორციელდება ეროვნულ ვალუტაში.
- 7.2 ხელშეკრულებით განსაზღვრული საქონლის ღირებულების ანაზღაურება მოხდება უნაღდო ანგარიშსწორების ფორმით.
- 7.3 დაფინანსების წყარო: **2022 წლის სახელმწიფო ბიუჯეტი.**
- 7.4 ანგარიშსწორების განხორციელებისათვის მიმწოდებელმა უნდა წარმოადგინოს ხელშეკრულების 6.1. ქვეპუნქტით განსაზღვრული დოკუმენტით.
- 7.5 ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.1. ქვეპუნქტით განსაზღვრული დოკუმენტაციის წარდგენიდან არაუგვიანეს 30 (ოცდაათი) კალენდარული დღის ვადაში
- 7.6 წინასწარი ანგარიშსწორება არ გამოიყენება.
- 7.7 მიმწოდებელმა ანგარიშსწორების განხორციელებისათვის 6.1 ქვეპუნქტში მითითებული დოკუმენტაცია თუ არ წარუდგინა შემსყიდველს საქონლის მიწოდების დამთავრების დღიდან 3(სამი)თვის განმავლობაში, მიმწოდებელი 3 (სამი) თვის გასვლის შემდეგ კარგავს მიწოდებულ საქონელზე თანხის მოთხოვნის უფლებას.
- 7.8 მიმწოდებელი ვალდებულია გამოწეროს თითოეული დანართის შესაბამისი სასაქონლო ზედნადებები დალცალკე.

8. მხარეთა უფლება-მოვალეობანი

- 8.1 შემსყიდველს უფლება აქვს:
- შეამოწმოს მიწოდებული საქონლის ხარისხი, რაოდენობა, ერთეულის ფასი, როგორც საქონლის მიწოდების დროს, ისე ამ ხელშეკრულების მოქმედების პერიოდში ნებისმიერ დროს.
- 8.2 შემსყიდველი ვალდებულია:
- ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- ბ) უზრუნველყოს საქონლის მიღება;
- გ) უზრუნველყოს საქონლის შენახვა მწარმოებლის მიერ დადგენილი ნორმების დაცვით.
- 8.3 მიმწოდებელს უფლება აქვს:
- ა) მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.
- 8.4 მიმწოდებელი ვალდებულია:
- ა) მიაწოდოს შემსყიდველს ხელშეკრულების დანართ N1-ში, N2-ში და N3-ში გათვალისწინებული საქონელი;
- ბ) დაიცვას ხელშეკრულებით და დანართი N1-ით, N2-ით და N3-ით გათვალისწინებული ყველა პირობა;
- გ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

9. მხარეთა პასუხისმგებლობა ხელშეკრულების დარღვევისას

- 9.1 ხელშეკრულებით ნაკისრი პირობების არაჯეროვანი შესრულების შემთხვევაში, დამრღვევ მხარეს ეკისრება პირგასამტეხლო ხელშეკრულების საერთო ღირებულების 5%-ის ოდენობით.
- 9.2 უხარისხო ან/და ვადაგასული საქონლის მიწოდების შემთხვევაში, მიმწოდებელი ვალდებულია შეტყობინებისთანავე გამოასწოროს წუნი, წინააღმდეგ შემთხვევაში, მიმწოდებელს ეკისრება პირგასამტეხლო ხელშეკრულების საერთოღირებულების 0,02%-ის ოდენობით.

- 9.3 საქონლის მიწოდების ვადის გადაცილების შემთხვევაში, მიმწოდებელს ეკისრება პირგასამტებლო ყოველ ვადაგადაცილე ბულ დღეზე ხელშეკრულების საერთო ღირებულების 0,02%-ის ოდენობით.
- 9.4 მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის შემთხვევაში, მიმწოდებელს ეკისრება პირგასამტებლო ხელშეკრულების საერთო ღირებულების 10%-ის ოდენობით.

10. ხელშეკრულების მოქმედების ვადა

- 10.1 ხელშეკრულების მოქმედების ვადა განისაზღვრება მხარეთა შორის წარმოშობილ სამართლებრივ ურთიერთობებზე ხელშეკრულების თავში მითითებული თარიღიდან და ძალაშია 2022 წლის 31 ივნისის ჩათვლით.

11. ხელშეკრულების პირობების გადასინჯვა და ცვლილებების შეტანა

- 11.1 წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 11.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 11.3 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 11.4 ხელშეკრულებაში ნებისმიერი ცვლილება დაიშვება მხოლოდ მხარეთა წერილობითი შეთანხმებით.
- 11.5 წინასწარ გაუთვალისწინებელი მიზეზების გამო თუ წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ და ცვლილება ხელშეკრულებაში შეტანილად ჩაითვლება მეორე მხარის მიერ ცვლილებაზე ხელმოწერის შემდგომ.
- 11.6 ხელშეკრულებაში ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

12. დაუძლეველი ძალა (ფორს-მაჟორი)

- 12.1 მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, საქონლის ან/და მომსახურების მიწოდებაზე ემბარგოს დაწესება, საბიუჯეტო ასიგნებების მკვეთრი შემცრებია, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.
- 12.2 ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი აღტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.
- 12.3 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 12.1 ქვეპუნქტიდან გამომდინარე სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 12.4 ფორს-მაჟორული გარემოების არსებობა დადასტურებული უნდა იყოს საამისოდ უფლებამოსილი სახელმწიფო ორგანოს/ორგანოების მიერ.

13. ხელშეკრულების ინსპექტირების პირობები

- 13.1 შესყიდვის ობიექტის სრულად მიწოდების შემდეგ (ან მიწოდების პარალელურად) შემსყიდველი უფლებამოსილია განახორციელოს ინსპექტირება და წარმოადგინოს ინსპექტირების აქტი.
- 13.2 ინსპექტირების აქტში მითითებული უნდა იყოს შესყიდვის ობიექტის დასახელება, რაოდენობა, განზომილება და აღმოჩენილი ნაკლი (იმ შემთხვევაში თუ ნაკლი ვიზუალურად თვალსაჩინოა).
- 13.3 ვიზუალური დათვალიერების დროს, თვალსაჩინო ნაკლის აღმოჩენის ან/და უხარისხო საქონლის მიწოდების შემთხვევაში, შემსყიდველი ვალდებულია დაუყოვნებლივ აცნობოს მიმწოდებელს აღმოჩენილი ნაკლის შესახებ და მოითხოვოს მიმწოდებლის ხარჯებით მისი გამოსწორება.
- 13.4 ინსპექტირების აქტის საფუძველზე, საჭიროების შემთხვევაში, ჩატარდება მოწოდებული საქონლის ექსპერტიზა.
- 13.5 გამოვლენილი ნაკლის აღმოფხვრასთან და ხელახალ ინსპექტირებასთან (ექსპერტიზის დანიშნვასთან) დაკავშირებული ხარჯების ანაზღაურება ეკისრება მიმწოდებელს.
- 13.6 შემსყიდველის შესაბამისი წარმომადგენლები, მოწვეული ექსპერტი უფლებამოსილია ჩაატაროს ხარისხის კონტროლი და თუ აღმოჩენდება უხარისხო საქონელი, მიმწოდებელი ვალდებულია შეტყობინებისთანავე გამოსწოროს წუნი, ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება, დაუბრუნოს შემსყიდველს აღნიშნული საქონლის ღირებულება;
- 13.7 შემსყიდველის მხრიდან ხელშეკრულების შესრულების კონტროლს განახორციელებს სპეციალური პენიტენციური სამსახურის ეკონომიკური დეპარტამენტის მომარაგების სამმართველოს სამედიცინო ლოჯისტიკის მენეჯერი ლევან ზოზირაშვილი.

14. ხელშეკრულების შეწყვეტა

- 14.1 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის წერილობითი შეტყობინების შემდეგ იმ შემთხვევებში, თუ:
- ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
- ბ) შემსყიდველისათვის ცნობილი გახდა, რომ მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ;
- დ) მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება;
- ე) ხელშეკრულების ვადის გასვლის საფუძველზე;
- ვ) ურთიერთშეთანხმების საფუძველზე.
- 14.2 ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

15. დავები და მათი გადაწყვეტის წესი

- 15.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაბამისად.
- 15.2 შეთანხმების მიუღწევლობის შემთხვევაში, მხარეები მიმართავენ საქართველოს სასამართლოს მოქმედი კანონმდებლობის შესაბამისად.

16. სხვა პირობები

- 16.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 16.4 ამ ხელშეკრულებით გაუთვალისწინებელი საკითხები განისაზღვრება მოქმედი კანონმდებლობის მოთხოვნათა შესაბამისად.

16.5 ხელშეკრულება შედგენილია ქართულ ენაზე ელექტრონულად, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.6 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

17. მხარეთა რეკვიზიტები

შემსყიდველი	მიმწოდებელი
<p>საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური</p> <p>მის: ქ. თბილისი, ზურაბ ანჯაფარიძის N27, საიდენტიფიკაციო კოდი: 205360223, სახელმწიფო სახაზინო კოდი: TRESGE22, ა/ა GE24NB 0330 1002 0016 5022</p> <p>ეკონომიკური დეპარტამენტის უფროსი</p>	<p>შპს „ავერსი-ფარმა“</p> <p>მის: ქ. თბილისი დავით აღმაშენებლის გამზ. N148</p> <p>საიდენტიფიკაციო კოდი: 211386695, საბანკო რეკვიზიტები: სს „საქართველოს ბანკი“, ბანკის კოდი: BAGAGE22, IBAN: GE06BG0000000122932100</p> <p>კომერციული დირექტორი</p>
/იულია ტყეშელაშვილი/	/ეკატერინე მიქელაძე/

დანართი N1
2022 წლის 19 აპრილის N04/34 ხელშეკრულებასთან

ფასების ცხრილი

N	CPV კოდი	დასახელება და ნუმერუსი	განზ.	რაოდენობა	ერთეულის ფასი (ლარი)	საერთო ფასი (ლარი)
1	33690000	ბრიმოპტიკი 10მლ თვ.წვ	ფლაკონი	3	21.00	63.00
2	33690000	დორზამედი 2% 5მლ თვ/წვ ფლ	ფლაკონი	3	37.00	111.00
3	33690000	აუგმენტინი 228მგ/5მლ 70მლ სუს	ფლაკონი	2	12.53	25.06
4	33690000	ტანტუმ ვერდე 1.5მგ/მლ 30მლ აერ	ფლაკონი	2	12.33	24.66
5	33690000	პურალიდ ლიპოგელი 15მლ ფლ	კოლოფი	2	35.40	70.80
6	33690000	რეამბერინი 1.5% 400მლ საინფ.ხს	კოლოფი	5	24.59	122.95
ჯამი:						417.47

ფ ა ს ე ბ ი ს ც ხ რ ი ლ ი

N	CPV კოდი	დასახელება და ნუმერუსი	განზ.	რაოდენობა	ერთეულის ფასი (ლარი)	საერთო ფასი (ლარი)
1	33141700	ტონ-რადიკულ.სარტN2ანგორით	ცალი	1	17.60	17.60
2	33141700	ტონ-რადიკულ.სარტN7ანგორით	ცალი	1	17.60	17.60
ჯამი:						35.20

ფ ა ს ე ბ ი ს ც ხ რ ი ლ ი

N	CPV კოდი	დასახელება და ნუმერუსი	განზ.	რაოდენობა	ერთეულის ფასი (ლარი)	საერთო ფასი (ლარი)
1	15884000	ფრუტო-რძ.ფაფა ბრინჯ. 200გ 1107	კოლოფი	15	6.04	90.60
2	15884000	ფრუტო-რძ.ფაფა .მარც200გ 7540	კოლოფი	15	6.04	90.60
ჯამი:						181.20



KA010138154931122

№01/117653

19 / აპრილი / 2022 წ.

სპეციალური პენიტენციური სამსახურის
გენერალურ დირექტორს
ბატონ ნიკა ცხვარაშვილს

სპეციალური პენიტენციური სამსახურის
ეკონომიკური დეპარტამენტის უფროსის
იულია ტყეშელაშვილის

მოხსენებითი ბარათი

ბატონო ნიკა,

2022 წლის N01/114762, N01/114744, N01/116771, N01/114757, N01/113506, N01/113510, N01/114763 და N01/111062 სამსახურებრივი ბარათების საფუძველზე მოგახსენებთ, რომ ამ ეტაპზე პენიტენციური სისტემის დაწესებულებებს ესაჭიროება დანართში მითითებული მედიკამენტები რომლებიც არ შედის ბაზისური მედიკამენტების ნუსხაში და სამედიცინო დანიშნულების საგნები. ეკონომიკური დეპარტამენტის მომარაგების სამმართველოს მიერ წარმოდგენილი მოთხოვნები გადაეგზავნა: შ.პ.ს „ავერსი-ფარმა“-ს, შ.პ.ს. „პსპ ფარმა“-ს, შ.პ.ს „იმპექსი“-ს, შ.პ.ს „გეა“-ს და ს.ს. „გეფა“-ს. სავარაუდო მომზოდებლებისგან წარმოდგენილი იქნა შემოთავაზებები, რომლებშიც მითითებულია ჩვენს მიერ მოთხოვნილი დასახელებების ერთეულის ფასები.

გთხოვთ, საქართველოს მთავრობის N2222 განკარგულების საფუძველზე, დაგვრთოთ განვახორციელოთ დანართში მითითებული დასახელებების შესყიდვა.

დანართი: შ.პ.ს. „ავერსი ფარმა“-ს შემოთავაზება
შ.პ.ს „პსპ ფარმა“-ს შემოთავაზება
ს.ს „გეფა“-ს შემოთავაზება
შემოთავაზებების შედარებითი ცხრილი

პატივისცემით,

ეკონომიკური დეპარტამენტის უფროსი

ხელმოწერილია/
შტამპდასმულია
ელექტრონულად



იულია ტყეშელაშვილი